

Kalaallit Nunaanni eqqartuussisarnermik inatsisip aamma pisortat ingerlatsinerat pillugu inatsisip allangortinneqarneri pillugit inatsisissatut siunnersuutip (Allagaatinik takunnissinnaatitaaneq, pinerluttulerineq pillugu inatsiseqartitsineranut atatillugu eqqartuunneqarnissamut imaluunniit pillagassanngortitsinissamut suliassanngortitsineranut atatillugu politiinit, unnerluussisussaataasunit imaluunniit eqqartuussivinnit inuup kiffaanngissusianut pinngitsaaliilluni akuliunnerit aallartinneqarnerat, ilisimannittut kinaassusaasa isertuunneqarnerat aamma digitaliusumik nalunaarutiginninneq aamma piuminarsakkamik digitaliusumik nalunaarutiginninneq) Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut (Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Akissuteqaat

(Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Aappassaaneerneqarnera

Inatsisartut aalajangiiffigisassaattut siunnersuummut matumunnga peqqissaartumik suliaqarsimanerannut Inatsisinut Ataatsimiititaliaq Naalakkersuisut qutsavigiumavaat.

Pinerluttoqarsimaneranik paasiniaanernut aamma pinerluttulerinermik suliat suliarineqartarnerisa pitsaanerpaamik suliarineqartarnissaannut, eqqartuussiveqarneq pillugu suliaassarfiup sakkunik pisariaqartinneqartunik peqarnissaata qulakkeerneqarnissaa, Naalakkersuisut annertuumik pingaartippaat.

Allagaatinik takunnissinnaatitaaneq pillugu aalajangersagassatut siunnersuutigineqartut nutaat atorineqarnissaat pillugit najukkani eqqartuussivinni sulisut ilinniartinneqarnissaannut aningaasanik immikkoortitsisoqarnissaa piusariaqartinneqartoq, siunnersuummut uunga piviusumut, Nunatsinni Eqqartuussiviup aamma Domstolsstyrelsen oqaatigisimavaat. Inatsisiliornerup nutaap pitsaanerpaamik atortuulersinneqarnissaata qulakkeerneqarnissaa pingaaruteqarmat, Naalakkersuisut isumatigaat, taamaalilluni inatsisiliorneq kissaatigineqartutut sunniuteqarniassamat.

Taamaammat Inatsisartut siunnersuummut akuersaarnerat pillugu pisortatigoortumik Naalakkersuisut oqaaseqaataannut atatillugu, eqqartuussiviit eqqasuutaat qallunaat inatsiseqarnermut ministeriannut erseqqissaatigissavara.

Taamatut oqaaseqarlutik amerlanerusunillu oqaaseqaratik siunnersuut aappassaaneerneqarnissaanut Naalakkersuisut tunniuppaat.